

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: A-III-45-1/13

Zenica, 05.04.2013. godine

Na osnovu člana 20. i 21. Zakona o namještenicima u organima državne službe u Federaciji Bosne i Hercegovine („Službene novine FBiH“, br.49/05) i člana 8. Pravilnika o unutrašnjoj organizaciji i poslovanju Kantonalnog tužilaštva-tužiteljstva Zeničko-dobojskog kantona, Glavni tužitelj **o b j a v l j u j e**

INTERNI OGLAS

za popunu upražnjenog radnog mjesta namještenika u Kantonalnom tužilaštvu-tužiteljstvu
Zeničko-dobojskog kantona

„Viši referent – daktilograf“.....5 izvršilaca na neodređeno vrijeme

Opis poslova:

Kreira tužilačka pisma po naredbi tužioca, formira dostavnice za pismena koja se dostavljaju van Tužilaštva, preuzima i vraća spise u spremište za predmet, po unaprijed pripremljenim listama za svakog tužioca, registruje svaki podnesak primljen u toku saslušanja, registruje sve radnje po naredbi tužioca, obavlja daktilografske poslove na prijepisu i spravljanju materijala, kao i druge daktilografske poslove, kao korisnik Sistema TCMS-a obavezan je da postupi prema pravilima propisanim u Pravilniku TCMS, daktilograf, kao tužilački asistent, obavlja i druge poslove po nalogu glavnog tužioca, zamjenika glavnog tužioca, tužioca i sekretara tužilaštva.

Uslovi za obavljanje poslova: SSS, IV ili III stepen stručne spreme, upravna škola, gimnazija, birotehnička škola ili druga škola društvenog smjera, najmanje 10 (deset) mjeseci radnog staža nakon sticanja stručne spreme, poznavanje daktilografije i rada na računaru.

Vrsta djelatnosti: poslovi pomoćne djelatnosti

Grupa poslova: operativno-tehnički

Složenost poslova: djelimično složeni

Status izvršioca: namještenik

Pozicija radnog mjesta: viši referent

Pravo prijave na Interni oglas, sukladno članu 21. stav 2. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj:49/05) imaju namještenici iz organa državne službe svih nivoa vlasti u Federaciji Bosne i Hercegovine.

Uz prijavu na Interni oglas potrebno je priložiti sljedeću dokumentaciju (original ili ovjerenu kopiju):

1. Dokaz o završenoj vrsti i stepenu školske spreme,
2. Uvjerjenje o državljanstvu (ne starije od 6 mjeseci)
3. Uvjerjenje da se ne vodi krivični postupak (ne starije od 3 mjeseca),
4. Dokaz o poznavanju rada na računaru,
5. Uvjerjenje o radnom iskustvu,
6. Dokaz da je kandidat u radnom odnosu na poslovima namještenika u organu državne službe na bilo kojem nivou vlasti FBiH,
7. Ovjerenu izjavu kandidata da u posljednje dvije godine nije otpušten iz državne službe kao rezultat disciplinske kazne ,

8. Ovjerenu izjavu kandidata da nije obuhvaćen odredbom člana IX 1. Ustava BiH.

Sa kandidatima koji u cijelosti ispunjavaju uslove Internog oglasa, obaviti će se intervju, odnosno testiranje iz brzine kucanja i poznavanja rada na računaru.

Sve tražene dokumente trebate dostaviti u roku od 10 dana počev od 08.04.2013. godine, kada će ovaj Interni oglas biti objavljen na oglasnoj tabli Kantonalnog tužilaštva-tužiteljstva Zenica.

Prijave sa dokazima o ispunjavanju uvjeta iz Internog oglasa, dostaviti lično ili na adresu:

Kantonalno tužilaštvo-tužiteljstvo Zeničko-dobojskog kantona
ul. Masarykova br.37, Zenica, sa naznakom „za Interni oglas“

Nepotpune i neblagovremene prijave neće se uzeti u razmatranje.